

17. oktober

UKA 2017/127

Naalackersuisut kingusinnerpaamik UKA 2018-mut ileqqussaasunik siunnersuisooqati-giinnik pilersitsinissamut siunnersuusioqqullugu Inatsisartut aalajangiiffigisassaattut siun-nersuut

(Inatsisartunut ilaasortaq Bendt B. Kristiansen, Inuit Ataqtigiit)

Inatsisartunut ilaasortap Bendt B. Kristiansenip inatsisartunut aalajangiiffigisassatut siunner-suutaanut Siumumiit imaattumik oqaaseqaateqassaagut:

Siumumi pissuserissaarneq aammalu ileqquusunik pitsaasunik pingaartitsisuunerput ilisarnaatigaarput. Inuiaqatigiittut periusitta pitsaasut aammalu qangarsuaaniilli inuiaqatigiinni inooriaatsit-sinnit pileriartuaarsimasut ullutsinnut naleqqussarlugit ingerlariaaseqarneq siumup illersortuagaa-raa.

Siumumi pingaartittuarparput inuiaqatigiittut iluaqutiginnaasatta inuiaat allat atugaanneersut isumassarsiorfigissallugit.

Siunnersuuteqartup siunnersuisooqatigiissat ilusissaanik siunnersuuteqarnera ilalerparput, tunulia-qutaasussat ilaatigut annertuumik pigineqareermata. Naalackersuisullu aamma oqaaseqarnerminni naqissuserpaat siunnersuuteqartup siunnersuisooqatigiinnut ilaasortassatut aaqquissuusaaneranut aallartitaasinnaasut siunnersuiviit immikkoortut piusut arlaqalereersimmata.

Siumumiit iluarisimaarparput siunnersuisooqatigiit politikikkut attuumassuteqartuunnginnissat.

Siumumiit oqaatigissavarput ilanngukkusukkatsigu nunaqarfiit nunaqarfimmiullu pillugit ilisima-salimmik Siunnersuisooqatigiit ilaneqassasut.

Naggataatigut oqaatigissavarput Siumumiit pingaartikkatsigu oqaatsivut atorlugit siunnersuisoo-qatigiit katitigaanerat suliarineqassasoq. Tassa Kalaallisut oqaatsivut atorlugit siunnersuisooqatigiit sulinerat oqallissaarisarneri aammalu siunnersuineri ingerlanneqassasut.

.

Inatsisartunut ilaasortap Bendt B. Kristiansenip siunnersuutaa Ataatsimiitsitaliami susassaartumi sukumiisumik suliarineqarnissaa inassutigaarput.

Ineqi Kielsen
Siumut